

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq

Kapitali 1

Siunertaq

§ 1. Naalackersuisut inuutissarsiutinik ilinniartitsinerinik inuutissarsiutinillu ilinniartitsinerup iluani pikkorissaanerit ataqatigiissakkanik aaqqissuussissapput, Inatsisartut inuutissarsiutinut suliffissaqartitsiniarnermullu politikikkut anguniagaat naapertorlugit namminersortut pisortallu suliffissaqartitsiffii assigiinngitsut eqqarsaatigalugit.

Imm. 2. Ilinniartitsinerinik aaqqissuussineq tamanna aaqqissuuneqassaaq annertunerpaamik makkununga naapertuuttunngorlugu:

- 1) inuusuttut ilinniarnissamut kaammattorneqarnissaat, aamma inuusuttut inuutissarsiutinik ilinniagaqarumasut imaluunniit inuutissarsiutinik ilinniartitsinermut tunngasutigut pikkorissarumasut tamarmik piviusunik periarfissaqarnissaasa qularnaarnissaat aamma ilinniakkat pikkorissarnerilluunniit amerlanerusut akornanni toqqaasinnaanissaat,
- 2) inuusuttunik siunissami sulillutik inuunissaannut, inuttut inerikkiartornissaannut aamma inuiaqatigiinnik ineriartornerannillu paasinninnissaannut tunngavissiisumik ilinniartitsinissaq,
- 3) suliffissaqartitsiffiit inuutissarsiutini sulianut tunngasutigut nalinginnaasumillu piginnaasariaqartutigut pisariaqariaqartitaasa piviusunngortinnissaat - inuutissarsiutitigut inuiaqatigiinnilu ineriartornermut naleqqiullugit, tamatumunnga ilanngullugit inuutissarsiuteqarnerup ilusiligaanermigut ineriartornera, suliffissaqartitsiniarnermi pissutsit ineriartornerat, suliffiit aaqqissugaanermikkut teknikkikkullu ineriartornerat aamma
- 4) ilinniartut Kalaallit Nunaanni avataanilu ilinniaqqinnissamut tunngavissinnissaat.

Nassuiaatit

§ 2. Tunngaviusumik inuutissarsiutinik ilinniartitsineq tassaavoq paarlakaattumik ilinniarneq, sungiusarluni sulinerup ilinniarfimmiinnerullu paarlakaaffigisaat. Tunngaviusumik inuutissarsiutinik ilinniartitsinermut ilaapput tunngaviusumik atuartsissutit, atuartsissutit suliamut tunngasut, atuartsissutit immikkut ittut aamma atuartsissutit nammineq toqqagassaaajunnartut, piomasagaataallunilu lærlingit imaluunniit ilinniartinneqarnissamik isumaqatigiissuteqartoqarsimanissaa, qinnuteqartoq atuaatigaluni sungiusartutut ilinnialersimangippat, tak. § 10, imm. 4.

Imm. 2. Inuutissarsiutinik ilinniartitsinerit allat tassaapput ilinniakkat annerusumik inuutissarsiutinik ilinniarfimmi imaluunniit qitiusumik ilinniarfimmi, tak. kapitali 6, atuagarsornertut ingerlanneqartut. Ilinniakkani taamaattuni sungiusarluni sulinerit sivikinnerusut ilaatinneqarsinnaapput.

§ 3. Qitiusumik ilinniarfik, tak. kapitali 6, tassaavoq ilinniarfik killilinnik neqeroorutilik,

taamaalilluni ilinniarfiup, Naalakkersuisut qitiusumik ilinniarfittut akuersissuteqarnerat tun-ngavigalugu, annermik neqeroorutigisarpai inuutissarsiutinik ilinniartitsinerit, sulianut aalajangersimasunut attuumassuteqartut. Aammattaaq ulluinnarni aqutsineq forständerimit, siulersuisunut ilinniarfiup qullersarisaanut nalunaartartumit ingerlanneqarpoq.

Imm. 2. Inuutissarsiutinik ilinniarfik tassaavoq ilinniarfik tunngaviusumik inuutissarsiutinik ilinniartitsinermik neqeroorutilik, kisianni ulluinnarni aqutsineq rektorimit, centerlederimit assigisaanilluunniit, Namminersorlutik Oqartussani pisortatigut suliassa qarfimmumt nalunaartartumit, ingerlanneqarpoq.

Kapitali 2

Inuutissarsiutinik ilinniartitsinerup aquanneqarnera

Nalinginnaasut

§ 4. Inuutissarsiutinik ilinniartitsinermut Naalakkersuisoq pisariaqartitsineq naapertorlugu siunnersuisartoqatigiinnik ataatsimiititalianillu pilersitsisinnaavoq, inuutissarsiutinik ilinniartitsinermut tamatumunngalu atatillugu suliffissaqartitsiffinni inuutissarsiutitigullu ineriartornermut tunngasunik suliartaartussanik. Naalakkersuisut aalajangiussinnaavaat ataatsimiititaliaq, Inatsisartut inatsisaanni matumani qulequttanut aalajangersimasunut naleqqiullugu, aalajangiisinnatitaassasoq.

Imm. 2. Naalakkersuisut siunnersuisartoqatigiit ataatsimiititaliallu pilersinnissaat, inuttalersugaanissaat suliassaallu pillugit malittarisassanik aalajangersaasinnaapput.

§ 5. Naalakkersuisut ilinniakkat nutaat pilersinnissaat akuerissavaat ilinniakkanillu atorunnaarsitsisinnaallutik.

Imm. 2. Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisuisa imaluunniit qitiusumik ataatsimiititaliat inassuteqarunnarnerat apeqqutaatinnagu, ilinniartitsinermut pilersaarummik akuersissut tunuartissinnaavaat, ilinniagaq ilinniartitsinermut pilersaarut naapertorlugu ingerlanneqanngippat imaluunniit ilinniakkami atugassarititaasut pingaaruteqartutigit allanngorpata.

Imm. 3. Ilinniakkat akuerinissaannut piimasaavoq, ilinniartitsinermut pilersaarutit aamma ilinniakkap aqqissugaanerata allaaserinera naammassisamik sularineqareerlutik Naalakkersuisunit tiguneqarnissaat.

Imm. 4. Naalakkersuisut imm. 1 aamma 2-mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.

§ 6. Naalakkersuisut ilinniakkat pillugit nalinginnaasunik aalajangersaasinnaapput.

Imm. 2. Naalakkersuisutinuuutissarsiutinik ilinniartitsinermut tunngasut aquanneqarnerat pillugu malittarisassanik erseqqinnerusunik aalajangersaassapput, tassunga ilanngullugit siulersuisuni

ataatsimiititalianilu ilaasortat akissarsiaqartinneqarnerannut tunngasut.

Imm. 3. Naalakkersuisut ilinniakkat ataasiakkaat pillugit malittarisassanik aalajangersaasinnaapput. Inuutissarsiutinik ilinniartitsissutigisaasa ataasiakkaat imarisaat pillugit malittarisassat, qitiusumik ataatsimiititaliat inassuteqareernerisigut aalajangersarneqartassapput. Taamaattoq qitiusumik ilinniartitsissutigisaasa ataasiakkaat imarisaat pillugit malittarisassat aalajangersarneqartassapput qitiusumik ilinniartitsissutigisaasa inassuteqareernerisigut.

Imm. 4. Naalakkersuisut ilinniakkat ilinniartitsinerlu nakkutigissavaat, Inatsisartut inatsisaat manna, malittarisassallu taanna malillugu aalajangersarneqartut naapertorlugit.

Kapitali 3

Ilinnialernissamut piumasaqaatit

§ 7. Inuutissarsiutinik ilinnialernissamut piumasaqaatit ilinniartitsinerlutik pilersaarusaanni aalajangersarneqartassapput, inuutissarsiutinillu ilinniartitsinerlutik naalakkersuisoqarfimmit akuerineqassallutik, taamaattoq tak. imm. 2-4.

Imm. 2. Ilinniartut qanoq piginnaasaqareerlutik toqqaannartumik inuutissarsiummik ilinnialersinnaanerata pillugu malittarisassanik Naalakkersuisut aalajangersaasinnaapput.

Imm. 3. Kinaluunniit akuerisaasumik inuutissarsiummik ilinnialernissamut piareersaataasumik, naammaginnartumik angusaqarluni ingerlatsisimasoq, tunngaviusumik inuutissarsiummik ilinnialersinnaavoq, taamaattoq tak. imm. 4 aamma § 9.

Imm. 4. Tunngaviusumik inuutissarsiutinik ilinniartitsinerit ilaanni, ilinniartut ilinniartussatut akuerisaannginnerminni, imaluunniit tunngaviusumik inuutissarsiummik ilinniakkap na-nginnerata ilaatut, immikkut aqqissuussamik ilinnialernissamut piareersaataasumik pikkorissarnermi angusisimanissaat pillugu Naalakkersuisut aalajangersagaliorsinnaapput.

Imm. 5. Naalakkersuisut inuutissarsiutinik ilinniakkani allani ilinnialernissamut piumasaqaatit pillugit malittarisassanik aalajangersaasinnaapput.

§ 8. Inuutissarsiutinik ilinniartitsinerlutik aamma qitiusumik ilinniartitsinerlutik, inuutissarsiutinik ilinniartitsinerlutik neqeroortigisamik iluanni pisussaaffigaat, qinnuteqartut akuerisaanissamut piumasaqaatinik, tak. § 7, piviusunnagortitsisut tamaasa ilinniartunngortissallugit, imaluunniit isumagissallugu inuutissarsiutinik ilinniartitsinerlutik qitiusumilluunniit ilinniartitsinerlutik allami assinganik ilinniartitsinerlutik ilinniartunngortinneqarnissat, taamaattoq tak. § 9.

Imm. 2. Kalaallit Nunaata avataani ilinniakkani ilinniartunngorsinnaaneq inuutissarsiutinik ilinniartitsinerlutik naalakkersuisoqarfimmit imaluunniit naalakkersuisoqarfiup taamaaliornissamut pisinnaatitaanit aalajangerneqassaaq.

Imm. 3. Naalakkersuisut makku pillugit malittarisassaliorsinnaapput

- 1) ilinniartitsinerlutik akunnerminni suleqatiginnerat,
- 2) ilinniartitsinerlutik ataasiakkaani ilinniakkat neqeroortigineqarsinnaasut, aamma
- 3) ilinniartitsinerlutik arlallit assigiinnik ilinniagaqarfiusut akornanni ilinniartut agguanneqarnerat.

Imm. 4. Qitiusumik ilinniartitsinerlutik atatillugu pissutsit imm. 3-mi eqqaaneqartut ingerlanneqassapput qitiusumik ilinniartitsinerlutik suleqatiginnerisigut.

Imm. 5. Inuutissarsiutinik ilinniartitsinerlutik atatillugu pissutsit imm. 3-mi eqqaaneqartut

ingerlanneqassapput qitiusumik ataatsimiititaliat inassuteqareernerisigut.

§ 9. Naalackersuisut suliffissaqartitsiniarnermi periarfissat imaluunniit inissaqartitsinikkut immikkut ittumik ajornartorsiutit tunngavigalugit, ilinniakkanut ataasiakkaanut ilinniartunngortitsisinnaanermik killiliisunik malittarisassaliorsinnaapput.

Kapitali 4

Ilinniakkat ilusaat

§ 10. Tunngaviumikinuutissarsiutinik ilinniartitsinerit paarlakaattumik ilinniarnertut aaqqissuunneqassapput, ilinniarfimmiinnerit sungiusarlunilu sulinerit paarlakaattussanngorlugit. Ilinniarfimmiinnerit inuutissarsiutinik ilinniarfinni aamma qitiusumik ilinniarfinni Naalackersuisut akuerisaanni ingerlanneqassapput.

Imm. 2. Inuutissarsiutinik ilinniartitsinerit allat nalinginnaasumik aaqqissuunneqassapput atuagarsorluni ilinniarnertut, inuutissarsiutinik ilinniarfinni aamma qitiusumik ilinniarfinni Naalackersuisut akuerisaanni ingerlanneqartutut. Ilinniakkat aaqqissuunneqarsinnaapput ataasiakkaanik sivikinnerusunik sungiusarluni sulinertalerlugit.

Imm. 3. Inuutissarsiutinik ilinniartitsinerit ilinniarfinni suliffeqarfinnilu allani ingerlanneqarnissaat Naalackersuisut akuerisinnaavaat.

Imm. 4. Aaqqissuussisoqarsinnaavoq sungiusarluni sulinerit ilinniarfimmi ingerlanneqartussanngorlugit (atuatigaluni sungiusarneq). Tamanna pillugu Naalackersuisut malittarisassanik aalajangersaasinnaapput.

§ 11. Qitiusumik ataatsimiititaliat imaluunniit qitiusumik ilinniarfiit siulersuisuisa inassuteqareernerisigut Naalackersuisut makku pillugit malittarisassat aalajangersarsinnaavaat:

- 1) ilinniakkani ataasiakkaani ilinniartitsinerimut pilersaarummut sinaakkutissat, tassunga ilanngullugit ilinniarnep sivilissusua, ilusaa, atuartitsissutit katitigaanerat assersuutigalugu tunngaviumik atuartitsissutinut, atuartitsissutinut suliamut tunngasunut immikkullu atuartitsissutinut il. il. naleqqiullugit, ilinniartunngorsinnaasut amerlassusissaat, sungiusarluni sulinerimut atatillugu suliffeqarfinnit piumasaqaatit, nalilersuinerimut pilersaarutit, suliffeqarfinni ilinniartitsineq, suliffeqarfinnik akuersisarneq aamma
- 2) ilinniarfimmiilluni sungiusarlunilu sulilluni ilinniarnepit agguannerat, aamma inuit immikkut ilinniakkatigut sulinikkullu piginnaaneqareersut, ilinniakkat immikkoortuisa ilaannit sivikillisaanneqarsinnaanerit pillugu malittarisassat.

Imm. 2. Qitiusumik ataatsimiititaliat ilinniartunut inuutissarsiutinik ilinniarfimmiittunut naleqqiullugu, inuit immikkut ilinniakkatigut sulinikkullu piginnaasaqareersut, ilinniarfimmiinnermik imaluunniit sungiusarlutik sulinerimik ilaanik sivikillisaanneqassanersut aalajangertassavaat. Qitiusumik ilinniarfimmi ilinniartumut naleqqiullugu qitiusumik ilinniarfiup siulersuisui aalajangiisuussapput, tak. § 36, imm. 3, nr. 5.

§ 12. Naalackersuisut suliat imminnut assingusut iluanni ilinniakkat ataatsimoortissinnaavaat. Ilinniagaq suliat imminnut assingusut arlallit suliarisartagaannit katitigaasinnaavoq.

§ 13. Ilinniakkat ataasiakkaat suliaasartunut ingerlanneqartartunullu naleqqiullugu tamatigoorluartumik aaqqissuunneqassapput, ilinniaqqinnissamut tunngavissaqarnissaq siunertaralugu, tassunga ilanngullugu ingerlaqqiffiusumik ilinniaqqissinnaanissaq.

§ 14. Qitiusumik ilinniartinnut naleqqiullugu qitiusumillu ilinniartit siulersuisuisa inassuteqareernerisigut, ilinniartut inuutissarsiutit ilinniakkaminnit aallartitaraluaminnit allaanerusumut, aamma ilinniakkamit suliamiilluunniit allamit, ikaarsaarnissaat siunertaralugit tapertaliussaasumik pikkorissaanernik aaqqissuussinerit akuersissutigisinnaavaat. Inuutissarsiutinik ilinniartinnut tunngatillugu akuersineq pisassaaq qitiusumi ataatsimiititaliat inassuteqareernerisigut.

§ 15. Ilinniartinnut akeqanngilaq, taamaattoq tak. imm. 3-4 aamma § 16.

Imm. 2. Ilinniartitsinermut atortut nalinginnaasut ilinniartitsinermullu pisariaqartut, qitiusumik ilinniartinnut aamma inuutissarsiutinik ilinniartinnut akeqanngitsumik ilinniartunut atugassanngortinneqassapput, taamaattoq tak. imm. 3.

Imm. 3. Inuutissarsiutinik ilinniartitsinermut naalakkersuisoqarfiup aalajangersinnaavaa ilinniartut killilimmik namminneerlutik ilinniartitsinermi atortussat pissarsiariniassagaat.

Imm. 4. Qitiusumik ilinniartinnut imaluunniit inuutissarsiutinik ilinniartinnut § 10, imm. 3 naapertorlugu inuutissarsiutinik ilinniartitsinernik neqerooruteqartup, imm. 1-3-mi aalajangersakkat apequtaatinnagit, ilinniartinnut peqataaneq il.il. akileqqusinnaavaa. Tamannali taamaallaat atuuppoq, ilinniartinnut, tak. § 10, imm. 3, inuutissarsiutinik ilinniartinnut imaluunniit qitiusumik ilinniartinnut akuersisaasut allat assingannik Namminersorlutik Oqartussanit tapiiffigineqartannagippat.

§ 16. § 15-imi aalajangersakkat apequtaatinnagit Naalakkersuisut immikut pisoqartillugu akuersinnaavaat, aningaasartuutit namminersortut aningaasaliussaannit ilaatigut akilerneqassasut.

Imm. 2. Naalakkersuisut aningaasartuuteqartarnerit pillugit malittarisassanik erseqqinnerusunik aalajangersaasinnaapput.

Kapitali 5

Ilinniakkat imarisaat

Ataatsimut aalajangersakkat

§ 17. Ilinniakkat imarisaat, § 1, imm. 2-mi siunertat taaneqartut aamma malittarisassat §§ 5, imm. 4 aamma 6, imm. 1 aamma 3 tunngavigalugit aalajangersarneqartut mianeralugit aaqqissuunneqassapput, sungiusarluni sulilluni ilinniartinnut ilinniartinnut ataqatigiittunngorlugit.

Imm. 2. Ilinniakkat imarisaat suliffeqarfiit maanna siunissamilu pisinnaasariaqartutigut pisariaqartitaannut naapertuutissapput.

Imm. 3. Ilinniakkat imarisaat ilinniartut inuutissarsiummi suliamut tunngasutigut, ilinniarnissamut piareersimassutsikkut inuttullu piginnaasaannik inerisaaqataassapput, suliffeqarfiit pisariaqartitaannut, suliamut tunngatillugu nikeriarsinnaassuseqarnermut aamma ilinniartup atuagarsornikkut suliamullu tunngasutigut pisariaqartitaannut naleqqiullugit. Aammattaaq ilinniakkat imarisamikkut ilinniartup nammineerluni isummersinnaanissaanut, suleqateqarnissaanut attaveqaateqarsinnaanissaanullu

peqataassapput aamma suliamut tunngasutigut inooqatigiissutsikkullu ajornartorsiutinik qaangiiniarsinnaassuseqarnermik, aallarnisaasinnaassuseqarnermik, eqaassuseqassutsimik aamma pitsaassutsimik malussarsinnaassuseqarnermik siursaassallutik.

Imm. 4. Naalakkersuisut imm. 1-3-mi pissutsit pillugit malittarisassanik erseqqinnerusunik aalajangersaasinnaapput.

§ 18. Ilinniakkat ersarinnerusumik imarisaat, ilinniarfiit siulersuisuisa qitiusumillu ataatsimiititaliat ilinniartitsinermut pilersaarusiaanni Naalakkersuisunut nassiunneqartuni ersissapput.

Imm. 2. Naalakkersuisut ilinniakkat imarisaat pillugit malittarisassanik aalajangersaasinnaapput.

Ilinniarfimmi ilinniarneq

§ 19. Ilinniarfimmiilluni ilinniarnep ingerlanerani tamarmi ilinniarneq ataatsimoortumik isiginneriaaseqarluni tigussaasunik atuagarsornernillu ilaqartinneqassaaq, ilinniartut nalinginnaasunik immikkullu ittunik piginnaanngorsarnissaat siunertaralugu, tamatumunnga ilanngullugit:

1) ilinniartut sulianik, ilinniakkat siunnerfigisaannik, isumaginninnissamat tunngavississallugit, tassungalu atatillugu teknologii naapertuuttoq pillugu pisariaqartutigut ilisimasaqalersissallugit atuisinnaalersissallugillu,

2) ilinniartut namminneerlutik aamma ilinniaqqinnerit ilinniagaqaqqinnerillu aqutigalugit piginnaasaminnik annertusaanissaannut tunngavississallugit, tassunga ilanngullugit ilinniagaqaqqinnissamat tunngavissiinerit,

3) ilinniartut inuttut inerikkiartornerannut peqataanissaq aamma

4) ilinniartut inuiaqatigiit ineriartornerallu pillugit paasinnilersissallugit, annermik suliffeqarfiit sulisullu nalinginnaasumik inuutissarsiornikkut inuiaqatigiinnullu atatillugu inissisimanerat pillugu aamma suliffissaqartitsiniarnermi pissutsit suliffinnilu avatangiisinut tunngasut pillugit paasinnilersissallugit.

§ 20. Ilinniartitsinerup aaqqissuunnerani ilinniartut atugarisaat aallaavigineqassapput, anguniarneqassaarlu ilinniartut ataasiakkaat piginnaasaat aallaavigalugit ilinniartitsinissaq, ilinniartut piginnaariigaasa soqutigisaasalu aallaaviginerisa nassatarisaat.

Imm. 2.

Ilinniartut ilinniakkamik inuutissarsiummillu toqqaanissaq pillugu ilitsersorneqarnissamik neqeroorfigineqassapput. Tamanna pillugu Naalakkersuisut malittarisassanik erseqqinnerusunik aalajangersaasinnaapput.

§ 21. Ilinniartitsineq nalinginnaasumik aaqqissuunneqassaaq, ilinniarfimmiinnermi siullermi imaluunniit ilinniarfinniinnermi siullerni qulequttat ilinniakkani tamani ataatsimoorussaasut ilaatinneqarlutik, taamaalillunilu ilinniarfimmiinnerit sinnerini suliamut atatillugu immikkut piginnaanngorsarneq ingerlanneqarluni.

§ 22. Naalakkersuisut atuartitsissutit siunertaat, imarisaat, ilitsersuutaasumik ilinniarnermut piffissaliussassat aamma naliliinnermi piumasaqaataasussat pillugit malittarisassanik aalaja-

ngersaasinnaapput.

§ 23. Atuartitsissutitut tunngaviusunut ilaapput tigussaasumik atuagarsorlunilu ilinniartitsineq, inuutissarsiutitik ilinniartitsinerit suliamut tunngasutigut tamatigoortuunissaannut peqataasut. Ilutigisaanik tunngaviusumik atuartitsissutit siunertaraat inuttut inerikkiartornerup siuarsarnissaa, ilinniarnermik piginnaanngorsaaqataanissaq aamma inuiaqatigiinnik inuiaqatigiillu ineriartornerannik paasititsinissaq.

Imm. 2. Suliamut atatillugu atuartitsissutitut ilaapput tigussaasumik atuagarsorlunilu ilinniartitsineq, ilinniakkamut pineqartumut immikkut attuumassutilik, nalinginnaasumik immikkuullarissumillu ilinniartumik piginnaaneqalersitsiffiusoq.

Imm. 3. Atuartitsissutitut immikkut ittunut ilaapput inuutissarsiummik ilinniarnermi suliamut tunngatillugu killiffimmi qaffasinnerpaami tigussaasumik atuagarsorlunilu ilinniartitsinerit, ilinniakkami immikkuullarissutaasut, ilinniartullu inuutissarsiummi immikkut ittumik piginnaaneqalissutigisai, ilinniartut atuartitsissutitik immikkut ittunik, ilinniakkami pineqartumi akuerisaasut akornanniittunik, toqqaassapput.

§ 24. Atuartitsissutit toqqagassat ilinniartup soqutigisaanut naapertuutissapput. Ajornartinnagu atuartitsissutit ilinniagaqaqqinnissamut aamma ilinniagaqaqqiffinni ilinnialernissamut pingaaruteqartut neqeroortugineqassapput. Aammattaaq atuartitsissutit toqqagassat ilinniakkap nalinginnaasumik killiffianut nallersuussinnaasut neqeroortugineqarsinnaapput, sumiiffinni aalajangersimasuni piginnaasatigut pisariaqartitsinerit suliffissatullu periarfissat eqqarsaatigalugit.

Sungiusarluni sulilluni ilinniarneq

§ 25. Ilinniartut sungiusarlutik sulinerat suliffeqarfimmi ataatsimi arlalinniluunniit pissaaq, taakkualu qitiusumik ilinniartit siulersuisuinit imaluunniit inuutissarsiutitik ilinniartit qitiusumik ataatsimiititaliaannit akuerisaassapput.

Imm. 2. Tunngaviusumik inuutissarsiutitik ilinniartitsinerim ilinniartoq suliffeqarfillu lærlingitut imaluunniit ilinniartinneqarnissamik isumaqatigiissummik atsioqatigiissapput. Inuutissarsiutitik ilinniartitsinerim allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Sungiusarluni sulineq tamarmi ilaaluunniit atuatigaluni sungiusarnertut pisinnaavoq, tak. § 10, imm. 4.

Imm. 3. Qitiusumik ataatsimiititaliat aalajangertassavaat, inuutissarsiummik ilinniartit ilinniartut sungiusarlutik sulinerat nunani allani sulinertut ingerlanneqartoq, imm. 1 aamma 2 naapertorlugu sungiusarluni sulinermut nallersuunneqarsinnaanersoq. Qitiusumik ilinniartit qitiusumik ilinniartit siulersuisui aalajangiisuussapput.

§ 26. Inuutissarsiutitik ilinniartit naleqqiullugusungiusarluni sulilluni ilinniarneq ingerlanneqassaaq, inuutissarsiutitik ilinniartit - qitiusumik ataatsimiititaliat aalajangersagaat naapertorlugit - sungiusarluni sulinermut pilersaarutit nalinginnaasut aalajangersagaat naapertorlugit. Qitiusumik ilinniartit tunngatillugu sungiusarluni sulilluni ilinniarneq ingerlanneqassaaq, aalajangersakkat qitiusumik ilinniartit siulersuisuisa aalajangersagaat naapertorlugit, tak. § 36, imm. 2.

Imm. 2. Sungiusarluni sulinermut pilersaarutit allassimassapput ilinniakkap anguniagai, taakkualu

tungavigalugit suliffissat suliassallu sungiusarluni sulinerup ilagisassai allaaserineqarlutik. Sungiusarluni sulinerup pilersaarutit imaqartinneqassapput, ilinniarfimmilluni ilinniarneq sungiusarlunilu sulineq siunertamut naapertuuttumik tapertariissinnaangorlugit. Taakku ilinniarfiup, ilinniartup suliffeqarfiullu akornanni attaveqatigiittarneq pillugu malittarisassanik imaqassapput. Imm. 3. Sungiusarluni sulilluni ilinniarneq pillugu Naalackersuisut malittarisassanik erseqqinnerusunik aalajangersaasinnaapput.

Ilinniartunik naliliinerit, misilitsinnerit aamma svendinngussalluni misilitsinnerit

§ 27. Ilinniartut ilinniakkap naammassineranut uppersaammik pissapput, tassunga ilan-ngullugit ilinniarfimmilluni ilinniarsimaneq naammassisaq aamma sungiusarluni sulilluni ilinniarneq naammassisaq pillugit uppersaaratit. Ilinniartut ilinniarnermikk unitsitsisut, ilinniakkap ilaanut naammassisaminnut uppersaammik pinissartik pinnaatitaaffigaat.

Imm. 2. Ilinniakkani ataasiakkaani ilinniartut soraarummeertarnerat aamma ilinniarnarup ingerlanerani nalilerneqartarnerat pisassaaq, naliliinissamik pilersaarut naapertorlugit. Qitiusumik ilinniarfiit svendinngussalluni misilitsinnerujunnartut pillugit tunaartarisassiaat, inuutissarsiutinik ilinniarfinni naliliinissamik pilersaarummut ilaatinneqassapput. Qitiusumik ilinniarfinni siulersuisut svendinngussalluni misilitsinnerujunnartunut tunaartarisassiaat naliliinissamik pilersaarummut ilaassapput.

Imm. 3. Qitiusumik ataatsimiititaliat inuutissarsiutinik ilinniarfimmik naleqqiullugu aalajangersinnaavaat, sungiusarluni sulilluni ilinniarneq svendinngussalluni misilitsinnermik inaarneqassasoq. Ilinniakkanut qitiusumik ilinniarfinnut attuumassuteqartunut naleqqiullugu, qitiusumik ilinniarfiup siulersuisuisa aalajangersinnaavaat, sungiusarluni sulilluni ilinniarneq svendinngussalluni misilitsinnermik inaarneqassasoq, tak. § 36, imm. 3, nr. 4.

Imm. 4. Naalackersuisut naliliinissamik pilersaarutit pillugit nalinginnaasunik malittarisassiorsinnaapput aammalu uppersaaratit, tassunga ilanngullugit uppersaaratit ilusaat atuuttuulersinnissaallu, pillugit malittarisassiorsinnaallutik.

Kapitali 6

Qitiusumik ilinniarfiit

Siunertaq suliassallu

§ 28. Qitiusumik ilinniarfiit, tak. § 3, imm. 1, suliassaraat, inuutissarsiutinik ilinniartitsinernik neqerooruteqarnissaq, tak. § 2, siunertat § 1-imi taaneqartut aallaavigalugit, aamma inuutissarsiutitigut suliffissaqartitsiniarnikkullu politikkeqarnermut atatillugu ilinniartitsinertigut suliniutinik inerisaanermut peqataanissaq.

Imm. 2. Aammattaaq qitiusumik ilinniarfiit, Naalackersuisut akuersereernerisigut, ilinniarnertuunngorniarluni ilinniakkanik neqerooruteqarsinnaapput, tamanna pillugu malittarisassat atuuttut naapertorlugit.

Imm. 3. Aammattaaq qitiusumik ilinniarfiit siunertaannut ilaapput ilinniartitsinermut atatillugu

allaffissornikkut suliaasat erseqqinnerusumik aalajangersaaffigineqartut suliarinissaat.

Imm. 4. Aammattaaq qitiusumik ilinniarfiit Naalakkersuisut akuersereernerisigut ilinniartunut inissaqartitsinermik ingerlatsisinnaapput, ilinniartunut inissiat pillugit Namminersornerullutik Oqartussat nalunaarutaat naapertorlugu.

Imm. 5. Immikkut pisoqartillugu Naalakkersuisut qitiusumik ilinniarfiit peqqusinnaavaat ilinniakkamik aalajangersimasumik neqerooruteqaqqullugit.

§ 29. Qitiusumik ilinniarfiit ilinniartitsinernut atasumik, tak. § 28, imm. 1, allanik suliaqarsinnaapput, ilinniarfiup inuutissarsiutinik ilinniartitsinermut atasumik, suliamut tunngatillugu sammisaasartunik immikkut ilisimasaasa atorluarnissaat siunertaralugu, tassunga ilanngullugu siunnersuinernik sullissinernillu allanik akilerneqartussanik neqerooruteqarneq.

Imm. 2. Qitiusumik ilinniarfiit allatigut ingerlatsinerat unammilleqatigiinnermi atugassarititaasartut naapertorlugit ingerlanneqassaaq. Qitiusumik ilinniarfiit pikkorissaanernik ingerlatanillu allanik isertitsiffiusussatut neqerooruteqarnerminni, nittarsaassinermi pissuserissaarnertut ileqqusut malissavaat, allanillu akitigut unammillernermik kusananngitsumik atugaqalersitsissanatik.

Imm. 3. Naalakkersuisut qitiusumik ilinniarfiit allatigut ingerlatsinerat pillugu malittarisassanik aalajangersaasinnaapput, tamatumunnga ilanngullugit allatigut ingerlatsinissamut killilersuutit amerlanerit.

§ 30. Qitiusumik ilinniarfiit ingerlatsinerisa annertussusissaat suussusissaallu angusaqarnissamik isumaqatigiissutini erseqqinnerusumik aalajangersarneqassapput, inuutissarsiutinik ilinniartitsinermut naalakkersuisoqarfiup ilinniarfiillu siulersuisuisa akornanni ukiut sisamakkaarlugit isumaqatigiissutigineqartutigit, taamaattoq siullermik 1. januar 2011-miit 31. december 2013-imut. Angusaqarnissamik isumaqatigiissutit ukiut tamaasa naleqqussarneqartassapput.

Imm. 2. Angusaqarnissamik isumaqatigiissutit minnerpaamik makkunanga imaqaassapput:

- 1) Ilinniarfiup suliaasaa.
- 2) Ilinniarfiup takorluugaa.
- 3) Ilinniarfiup periusissai pingaernerit.
- 4) Qitiusumik ilinniarfiup ingerlatsineranut pilersaarut, ilinniakkanut atatillugu suliniuteqarfissanik naammassisassatullu anguniakkanik, aamma misileraalluni sulinerminerisaanermilu suliniuteqarfissanik naammassisassatullu anguniakkanik, aamma ilinniarfiup allatigut ingerlataanut atatillugu suliniuteqarfissanik naammassisassatullu anguniakkanik ilaqartinneqartoq, tak. § 29.
- 5) Aningaasaliissuteqartarnermut tunngasut pingaernerit.

Imm. 3. Ilinniarfiup ukiumut aningaasaliiffiusumut ingerlatsinissamik pilersaarutaa, ilinniarfiup missingersersuusaaani ilinniartitsinermut aningaasaliinissamut tunngaviususaaq, a-angusaqarnissamik isumaqatigiissummut ilanngunneqassaaq, isumaqatigiissutip atsioreranant ukiumoortumillu naleqqussarneranut atatillugu.

Imm. 4. Qitiusumik ilinniarfiit ataasiakkaat angusaqarnissamik isumaqatigiissutip piviusunngortinnera pillugu nalunaarummik ukiumoortumik suliaqartassapput, Naalakkersuisunut nassiunneqartumik. Nalunaarusiap nassiunnissaanut piffissaliussaq kingulleq isumaqatigiissummi isumaqatigiissutigineqassaaq.

Imm. 5. Naalakkersuisut angusaqarnissamik isumaqatigiissutip imarisassai pillugit malittarisassanik erseqqinnerusunik aalajangersaasinnaapput, tamatumunnga ilanngullugit ukiumoortumik nalunaarusiat

nassiunnissaannut isumaqatigiissutillu ukiumoortumik naleqqussarnissaannut piffissaliussat, aamma angusaqarnissamik isumaqatigiissutit piviusunngortinnerat pillugu nalunaarusiortarneq.

Aaqqissugaaneq

§ 31. Kalaallit Nunaanni qitiusumik ilinniarfiit tassaapput pisortat suliffeqarfiutaat namminersortut.

Imm. 2. Suliffeqarfiit ingerlatsinerat pillugu aalajangiinerit, allaffissornikkut pisortaqaarfimmut allamut saqqummiunneqarsinnaanngillat, taamaattoq tak. imm. 3 aamma § 45.

Imm. 3. Imm. 2-mi aalajangersakkat apeqqutaatinnagit, suliffeqarfiit ilinniartumut naleqqiullugu aalajangiineri, ilinniartumit Naalakkersuisunut maalaarutigineqarsinnaapput. Tamannali suliamut attuumassuteqartut pillugit aalajangiinernut atuutinngilaq.

§ 32. Qitiusumik ilinniarfik, tak. § 31, imm. 1, qitiusumik ilinniarfimmik allamik ataatsimik amerlanernilluunniit isumaqateqareernermit, allaffissornikkut suliassanik erseqqinnerusumik isumaqatigiissutigineqartunik qitiusumik ilinniarfiit pineqartut sinnerlugit isumaginnissinnaavoq.

Imm. 2. Naalakkersuisut imm. 1 malillugu allaffissornikkut ataatsimoorfiit pillugit malittarisassanik erseqqinnerusunik aalajangersaasinnaapput.

§ 33. Qitiusumik ilinniarfiit siulersuisuisa inassuteqareernerisigut, tak. §§ 34 aamma 35, Naalakkersuisut akuerisinnaavaat, ilinniarfiit marluk amerlanerilluunniit suliffeqarfittut ataasiinnanngorlutik katigunnissaat, Inatsisartullu inatsisaat naapertorlugu iliniakkanik neqeroortartussatut akuerisaanissaat. Taamaattoq Naalakkersuisut pissutsit immikkut ittut taamaaliornissaq illersorneqarsinnaatippassuk, tamatumunnga ilanngullugit pissutsit ilinniartitsinikkut politikkimut, suliffissaqartitsiniarnermut, aningaasaqarnermut nunallu immikkoortuinut tun-ngasut, qitiusumik ilinniarfiit siulersuisuniit inassuteqaatit apeqqutaatinnagit, katigutsitsinissaq pillugu aalajangiisnaapput, imaluunniit aalajangiullugu ilinniarfiit marluk amerlanerilluunniit ataasiinnarmik siulersuisoqarlutik aquneqassasut. Katigutsitsinermi ilinniarfik ataaseq amerlanerilluunniit atorunnaarsinneqassapput, taakkualu ingerlatsinerat ilinniarfimmut ingerlaannartumut tunniunneqassalluni.

Imm. 2. Naalakkersuisut imm. 1 naapertorlugu katigutsitsinerit pillugit malittarisassanik ersarinnerusunik aalajangersaasinnaapput.

Imm. 3. Naalakkersuisut siulersuisut inassuteqareernerisigut akuerisinnaavaat, suliffeqarfiup avinneqarnermigut pigisaminik akiitsuminilluunniit tamanik, taakkualuunniit ilaannik qitiusumi ilinniarfimmut allamut ataatsimut amerlanernulluunniit tunniussinissaa.

§ 34. Qitiusumik ilinniarfiit, tak. § 31, imm. 1, tamarmik immikkut siulersuisunit 5-7-inik ilaasortalinnit aqutarineqassapput, taakkualu suliffissaqartitsinermi kattuffiit akornannit toqqarneqartassapput, malittarisassat ilinniarfiit ataasiakkaat ileqqoreqqusaanni aalajangersarneqartut naapertorlugit. Qitiusumik ilinniarfiit ilinniartitsisui aamma teknikkikkut allaffissornikkullu sulisui, siulersuisuni taaseqataasinnaatitaanngitsumik sinniiseqartitsissapput. Taamaattoq qitiusumik ilinniarfik ataasiinnaanngitsumik, sumiiffinnili arlalinni neqerooruteqartarpat, neqerooruteqartarfinnit tamanit sulisut sinniisaannik aalajangeeqataasinnaananani peqataasartussamik siulersuisut

ilaqartinneqassapput. Siulersuisunut ilaasortaq siulersuisunut marlunnik amerlanerusunut toqqarneqarsinnaanngilaq. Katiguttoqartillugu, tak. § 33, ilinniarfiit katiguttut siulersuisui piffissami ikaarsaariarfimmi, katiguttoqarnissaanik aalajangiisoqarneraniit ukioq ataaseq tikillugu sivisussusilimmi ingerlagallarsinnaapput, tamatuma kingorna ilinniarfiit katiguttut siulersuisussaannik nutaanik toqqaasoqassaaq, tak. naggat siulleq. Piffissami ikaarsaariarfiusumi ilinniarfiit katiguttut siulersuisui ilinniarfimmu katigutsitsinikkut pilersinneqartumut nutaanik ileqqoreqqusaliorlutillu ulluinnarni suleriaasissaliussapput.

Imm. 2. Siulersuisunut ilaasortat qitiusumik ilinniarfiup suliamigut susassaqaarfiinut suliffissaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq aningaasaqarnerlu ilisimasaqarfigissavaat, taakkununga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisimasaqarneq.

Imm. 3. Inuutissarsiutinik qitiusumillu ilinniarfinni allani atorfeqartut aamma Inatsisartuni kommunalbestyrelsini luunniit ilaasortat siulersuisunut ilaasortaasinnaanngillat.

Imm. 4. Siulersuisut akunnerminni siulittaasumik siulittaasullu tullianik toqqaassapput.

Imm. 5. Ilaasortat ukiuni 4-ni atasussatut toqqarneqartassapput, siullermik 1. januar 2011-miit 1. september 2013-imut. Ilaasortat toqqarneqaaq qissinnaapput. Toqqagaaffiup iluani Naalakkersuisut siulersuisunut ilaasortaq siulersuisutut akisussaaffimminik annertuumik sumiginnaasoq, allatulluunniit siulersuisutut sulinissaminut naapertuutinngitsumik iliuuseqartoq soraarsissinnaavaat.

Imm. 6. Siulersuisunut ilaasortaq ilaasortaanissamut aalajangersakkanik piviusunngortitsisinnaajunnaaruni ingerlaannaq siulersuisunit tunuassaaq. Kattuffik toqqaasinnaatitaasoq piaarnerpaamik ilaasortassamik nutaamik toqqaassaaq, tak. imm. 1.

Imm. 7. Naalakkersuisut siulersuisunut ilaasortat akissaateqartinnissaat aamma siulersuisunut ilaasortat aningaasartuutaannik, ilaatigut angalanernut, nerisaqarnermut ineqarnermullu, matussusiisarnissaq pillugu malittarisassanik aalajangersaasinnaapput.

§ 35. Siulersuisut qitiusumik ilinniarfiup qullersaasutut oqartussarai ilinniarfiullu ingerlanneranut qullersaasumik akisussaallutik, ilinniarfiup suliamut tunngasutigut aningaasaqarnikkullu ingerlassai ilanngullugit, aamma ilinniarfiup pigisai aqutarissavaat ilinniarfiup siunertaanut annertunerpaamik iluaqutaasussanngorlugit. Aammattaq siulersuisut akisussaaffigaat, aalajangersakkat ilinniarfiup ingerlatsineranut atuuttut maleruarneqarnissaat, ilinniarfiullu ingerlatsinera tamaat angusaqarnissamillu isumaqatigiissutip piviusunngortinnissaa akisussaaffigalugu. Siulersuisut ulluinnarni ilinniartitsineq sunnuteqarfigissanngilaat. Siulersuisut suleriaasissartik namminneq aalajangersassavaat.

Imm. 2. Siulersuisut ilinniarfiup ingerlatsineranut pingaarnerusutigut tunaartarisassaliussapput, tamatumunnga ilanngullugit ilinniakkanut taakkununngalu attuumassumik ingerlassanut anguniakkat periusissallu.

Imm. 3. Siulersuisut suliniutigissavaat, ilinniarfiup sapinngisamik annertunerpaamik, ilinniartut aamma suliffeqarfiit inuutissarsiutinik ilinniagaqarnissamik pisariaqartitaannik innimiginnilluni, ingerlatsisarnissaa, tamatumunnga ilanngullugit ilinniaqqinnerit ingerlaqqiffiusumillu ilinniarnit. Ilinniarfiup forstanderiat inassuteqareerneratigut, siulersuisut ilinniarfiup ilinniakkanik piginnaasaqalerfiusunik neqerootai aamma allatigut ilinniartitsinermik aaqqissuussinernik

aallartitsinissai aamma isertitsiffiusunik ingerlatsinermut tunngasut, kiisalu i-ngerlassat naapertuuttut allat pillugit aalajangiisassapput.

Imm. 4. Ilinniarfiup forstanderiat inassuteqareerneratigut, ilinniarfiup ingerlatsinissaanut ukiumoortumik pilersaarut siulersuisut aalajangersartassavaat.

Imm. 5. Siulersuisut ilinniarfiup forstanderianik atorfinitsitsillutillu soraarsitsisarput, taamaattoq tak. § 65. Forstanderi naapertuuttumik inuutissarsiutitigut misilittagaqassaaq naapertuuttumillu ilinniakkamigut tunuliaqutaqassalluni. Naalackersuisut forstanderianik atorfinitsitsisarneq pillugu malittarisassanik aalajangersaasinnaapput.

Imm. 6. Siulersuisut forstanderip ingerlatsinissaa pillugu erseqqinnerusunik tunaartarisassaliorsinnaapput, aamma forstanderi pisinnaatissinnaavaat erseqqinnerusumik annertussusilikkamik siulersuisut pisinnaatitaaffiunik ingerlatsinissaatillugu.

Imm. 7. Naalackersuisut ilinniarfiit ataasiakkaat ileqqoreqqusaat akuerissavaat, taanna siulersuisunit suliarineqassaaq inuutissarsiutinik ilinniartitsinermut naalackersuisoqarfiup tamanut atuuttumik ileqqoreqqusaliaa naapertorlugu.

§ 36. Siulersuisut Naalackersuisunut ilinniakkat suliamut attuumassuteqartuunerat akisussaaffigaat, tassunga ilanngullugit ilinniakkat imarisaat, ilinniakkat nutaat aallartinnissaat aamma ilinniartitsinermut attuumassuteqartutigut suliaassanut atatillugu ataatsimiititaliaajunnartunik pilersitsinissaaq, tak. imm. 4.

Imm. 2. Siulersuisut akisussaaffigaat ilinniakkat ataasiakkaarlugit ilinniartitsinermut pilersaarusiornissaat, tak. § 5, imm. 2, sungiusarluni sulinermit pilersaarutiginik nalinginnaasunik aalajangersaanissaaq, jf. § 26, imm. 1, naggat kingulleq, aamma svendinngussalluni misilitsinnerujunnartunut tunaartarisassanik aalajangersaanissaaq, tak. § 27, imm. 2, naggat kingulleq.

Imm. 3. Siulersuisut makku pillugit aalajangiisassapput:

- 1) Suliffeqarfiit sungiusarluni suliffissatut akuersissutigineri, tak. § 25, imm. 1.
- 2) Sungiusarluni sulinermit ilinniartinneqarnerup, sungiusarluni sulilluni ilinniarnermut pilersaarutit aalajangersarneqartunut qanoq naapertuutsiginera, tak. § 26.
- 3) Nunani allani sulisimanerup akuersissutigineri, tak. § 25, imm. 3, naggatit aappaat.
- 4) Svendinngussalluni misilitsinnerit ingerlanneri, tak. § 27, imm. 3, naggatit aappaat.
- 5) Ilinniareersimasat ilinniakkamut allamut nuussinnaanerinik aamma piffissap ilinniarfiup sivikillinissaanik sivitsornissaanilluunniit aamma ilinniartut ilinniagaq suliarluunniit alla tunngavigalugu ilinniarfimmiiinnissaminik sungiusarlutilluunniit sulillutik ilinniarnerminnik sivikillisaanneqarsinnaanerannik akuersinerit, tak. § 11, imm. 2, naggatit aappaat, § 52, § 53, imm. 3, naggatit aappaat aamma § 54.
- 6) Ilinniartup sungiusarlunilu suliffiup akornanni isumaqatigiinngissutit, tak. § 58, imm. 2.

Imm. 4. Siulersuisut ataatsimik amerlanernilluunniit ilinniartitsinermut ataatsimiititaliorsinnaapput, tassunga ilanngullugit ilinniartitsinermut ataatsimiititaliaagallartartussat, ilinniakkat suliamut tunngatillugu imarisaat aamma pitsaassutsikkut killiffii aamma ilinniakkat suliffeqarfiit pisariaqartitaannut politikkikkullu anguniakkanut naleqqiullugu qanoq naapertuutsiginerat pillugit siunnersuisarnissaaq siunertaralugu.

§ 37. Siulersuisut qitiusumik ilinniarfiup ingerlatsinera Naalackersuisunut akisussaaffigaat, tassunga ilanngullugit aningaasatigut sillimatinik ingerlatsineq. Siulersuisut aningaasartuutissat isertitassallu missingersuusiornerat akuersissutigisarpaat, tak. § 41, tassunga ilanngullugit - forstanderip

inassuteqareerneratigut - aningaasat agguannerat, atornissaannullu tunngavissat. Siulersuisut naatsorsuutit atsiussavaat, tak. § 42.

Imm. 2. Siulersuisut Naalakkersuisut pissutsinik erseqqinnerusumik taaneqartunik iluarseeqqusinerat maleruanngippassuk, Naalakkersuisut aalajangiussinnaavaat,

- 1) siulersuisut suliassaat taakkualuunniit ilaat piffissap ilaani inunnit Naalakkersuisunit toqqarneqartunit isumagineqassasut, imaluunniit
- 2) ilinniarfiup siulersuisui tunuassasut, taamaalillunilu siulersuisut nutaat § 34-mi malittarisassat naapertorlugit toqqarneqassasut.

Imm. 3. Siulersuisut aalajangiinermikkut ilinniarfiup ingerlaannarnissaa ulorianartorsiortilerpassuk, Naalakkersuisut aalajangiussinnaavaat siulersuisut ingerlaannaq tunuassasut, tamatumunngalu atatillugu siulersuisuugallartussanik ivertitsisinnaallutik, § 34 naapertorlugu siulersuisunik nutaanik toqqaasoqarnissaata tungaanut. Siulersuisunut tunuartunut ilaasortat toqqaqqinneqarsinnaanngillat.

§ 38. Qitiusumik ilinniarfiup forstanderiata ulluinnarni ilinniartitsineq perorsaanermullu tunngasut akisussaaffigai aammalu ulluinnarni ilinniarfimmi allaffissornikkut aningaasaqarnikkullu aqutsineq isumagissallugu. Qitiusumik ilinniarfiup forstanderiata nakkutigissavaa:

- 1) Ilinniakkat malittarisassat atuuttut naapertorlugit ingerlanneqarnerat.
- 2) Ilinniartitsinermi pissutsit isumannaatsuunissaat.
- 3) Missingersersuutit siulersuisunit akuerineqartut maleruarneqarnissaat.
- 4) Ilinniarfiup allatigut ingerlatsinerata siulersuisut aalajangiussaata tunaartarisassiaallu naapertorlugit pinera.

Imm. 2. Forstanderi qitiusumik ilinniarfiup ukiumi aggersumi pilersaarutissaanik siulersuisunut siunnersuusiussaaq.

Imm. 3. Qitiusumik ilinniarfiup forstanderia ilinniarfiup sulisuinik atorfinitsitsisuullunilu soraarsitsisarpoq, tassunga ilanngullugit ilinniarfiup pisortai allat.

Imm. 4. Forstanderip aningaasartuutissanik isertitassanillu missingersuutissat naatsorsuutillu siulersuisunut inassuteqaatigisassavai naatsorsuutillu atsiussallugit.

§ 39. Atorfinitsitsinermi atugassarititaasunut atorfinitsitsinernullu tunngatillugu allatigut, atorfeqarnerup nalaani soraarsitsinermilu pissutsinut tunngatillugu, qitiusumik ilinniarfiit pisussaaffigaat, aalajangersakkat Namminersorlutik Oqartussani atorfeqartunut qaqugukkulluunniit atuuttut maleruarnissaat.

Qitiusumik ilinniarfiit aningaasalersugaanerat

§ 40. Qitiusumik ilinniarfiit ingerlatsinerat Nunatta karsia aqqutigalugu tapiissutitigut aamma allatigut ingerlatsinermi isertitatigut aningaasalersorneqassaaq, isertitaqarfiusumik ingerlatsinerit ilanngullugit.

Imm. 2. Nunatta karsianit ukiumoortumik tapiissutit, ukiumut aningaasaliiffiusumut tullermut aningaasanut inatsisip akuersissutigineqarneranut atatillugu Inatsisartut aalajangertassavaat.

§ 41. Ukiut tamaasa ukiumi aningaasaliiffiusumi tullermi aningaasartuutissat isertitassallu missingersuusiernerannut siunnersuut, Naalakkersuisut piffissaliussaata sioqqullugu, siulersuisut

Naalakkersuisunut saqqummiuttassavaat. Siunnersuutip imarissavai isertitassatut, ingerlatsinermut aningaasartuutissatut sanaartornermullu aningaasartuutissatut ilimagisanut missi-ngersersuutit. Ilutigisaanik siulersuisut Nunatta karsiata ukiumi aningaasaliiffiusumi tullermi tapiissutaasa annertussusissaattut siunnersuut saqqummiutissavaat.

Imm. 2. Siulersuisut aningaasartuutissatut isertitassatullu siunnersuutip tamarmiusup ilaatut, ilinniarfiup allatigut ingerlatsineranut immikkut missingersersuut saqqummiutissavaat, tamatumunnga ilanngullugit allatigut ingerlatat ataasiakkaat immikkut missingersersuutaat.

§ 42. Qitiusumik ilinniarfiit naatsorsuuserinermut ukioraat ukioq aningaasaliiffiusoq. Qitiusumik ilinniarfiit aalajangersakkat missingersuusiortarneq, naatsorsuuserineq naatsorsuutinillu saqqummiineq pillugit Namminersorlutik Oqartussanut qaqugukkulluunniit atuuttut maleruassavaat.

Imm. 2. Naatsorsuutit imarissavaat qitiusumik ilinniarfiup ilinniartitsinermik ingerlatsineranut aamma allatigut ingerlatsineranut immikkut naatsorsuutit, allatigut ingerlatat ataasiakkaat pillugit immikkut naatsorsuutit ilanngullugit.

Imm. 3. Qitiusumik ilinniarfiit ilinniartitsinermik ingerlatsinerisa allatigullu ingerlatsinerisa immikkoortinneqarlutik missingersersuusiorneqartarnissaat naatsorsuusiorneqartarnissaallu pillugit malittarisassanik Naalakkersuisut aalajangersaasinnaapput.

Imm. 4. Qitiusumik ilinniarfiit ilinniarfiup ingerlatsinerani sinneqartoorutaajunnartunik imaluunniit amigartoorutaajunnartunik ukiumut aningaasaliiffimmut tullermut nuussisinnaapput.

Imm. 5. Ukiumoortumik naatsorsuutit Namminersorlutik Oqartussat kukkunersiuuinut kukkunersiorneqartassapput.

Imm. 6. Naalakkersuisut piffissaliussaak nallertinnagu siulersuisut ukiumoortumik naatsorsuutit akuerisatik Naalakkersuisunut akuerisassatut saqqummiutissavaat.

Imm. 7. Naatsorsuutit Naalakkersuisunut saqqummiunnerat ilutigalugu siulersuisut naatsorsuutit tamanut saqqummiutissavaat.

Kapitali 7

Sungiusarluni suliffiit

§ 43. Inuutissarsiutinik qitiusumillu ilinniarfiit sungiusarluni suliffissat isumagissavaat, ilinniarfiillu pisussaaffigivaat namminneq orniguttarlutik ingerlatsinissartik, sungiusarluni suliffissanik pissarsiniarnissaq siunertaralugu.

Imm. 2. Naalakkersuisut inuutissarsiutinik ilinniarfinnut naleqqiullugu, qitiusumik ataatsimiititaliat inassuteqareernerisigut, suleqatigiinnissamik paasissutissiisarnissamillu aaqquissuussinerit pillugit malittarisassanik aalajangersaasinnaapput, sungiusarluni suliffissat naammattut pissarsiarineqarnissaat siunertaralugu. Qitiusumik ilinniarfinnut tunngatillugu malittarisassat qitiusumik ilinniarfiit siulersuisuinut aalajangersarneqassapput.

§ 44. Qitiusumik ilinniarfiit siulersuisuisa imaluunniit inuutissarsiutinik ilinniarfiit qitiusumik ataatsimiititaliaasa suliffeqarfik sungiusarluni suliffissatut akuerissavaat, suliffeqarfiup, sungiusarluni sulinermut pilersaarutit § 26-mi eqqaaneqartut naapertorlugit, sungiusarluni sulilluni ilinniarnermik naammassinnissinnaaneramik, aamma suliffeqarfiup ilinniartunut nammaginartunik, ilinniarnerni

atugassaqtitsisinnaassusaanik naliliinerit aallaavigalugit.

Imm. 2. Naalakkersuisut inuutissarsiutinik qitiusumillu ilinniarfinnit inassuteqartoqareernerisigut, akuersissuteqarniarluni suliasat suliarinissaat pillugit malittarisassanik aalajangersaasinnaapput, taakkununga ilanngullugit suliat suliarinissaannut piffissaliussat pillugit malittarisassat.

§ 45. § 44 aamma § 25, imm 1 naapertorlugit suliffeqarfiup sungiusarluni suliffittut akuerineqarsinnaannginneranik aalajangiinerit, Naalakkersuisunut saqqummiunneqarsinnaapput.

Kapitali 8

Ilinniartunut inatsisitigut pissutsit

§ 46. Tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingit imaluunniit ilinniartinneqarnissamik isumaqatigiissuteqartoqarsimanissaa. Isumaqatigiissummut ilaassapput ilinniakkami sungiusarluni sulinissat ilinniarfimiittarnissallu tamarmik, tassunga ilan-ngullugit svendinngussalluni misilitsinnerujunnarnerit.

Imm. 2. Suliffeqarfiit arlallit isumaqatigiissummut peqataappata, isumaqatigiissummi ersissaaq, ilinniarfimiinnerit sungiusarlunilu sulinerit suut suliffeqarfiit ataasiakkaat peqataaffiginaat.

Imm. 3. Isumaqatigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami ingerlatsikkumallugu.

Imm. 4. Inuutissarsiutinik ilinniartitsinerit Naalakkersuisunit akuerisaasut, lærlingit ilinniartinneqarnissamilluunniit isumaqatigiissuteqarnissamik piumasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.

§ 47. Ilinniarnerup naammassinissaanut piumasaqaataavoq, ilinniartup ilinniarfimmi ilinniartitsinermut peqataanissaa, ilinniarfiup pineqartup, ilinniarnermut malittarisassat naapertorlugit aalajangersagai malillugit.

Imm. 2. Naalakkersuisut ilinniartunik ilinniarfimmu aggersaanermi periusissat pillugit malittarisassanik aalajangersaasinnaapput.

§ 48. Ilinniartut ilinniarfimmi ilinniartitsinermut takkutinngitsoortut imaluunniit ilinniarfiup pissuserissaarnissamik malittarisassaanik annertuumik unioqqutitsisut, annikinnerusumik ki-nguneqartumik iliuuserineqarsinnaasut iluaqutaanngitsumik atorneqareersimappata, ilinniartitsinermut ilaatitajunnaarsinneqarsinnaapput. Ilinniartitsinermut ilaatitajunnaarnissaaq ilinniarfiup forständerianit, rektorimit, centerlederimit assigisaanilluunniit aalajangiunneqassaaq.

Imm. 2. Naalakkersuisut pinngitsoorani takkuttussaaneq aamma ilinniartitsinermut ilaatitajunnaarsinnaaneq tamatumani suliat suliarineqartarnissaat pillugit malittarisassanik erseqqinnerusunik aalajangersaasinnaapput.

§ 49. Lærlingit aamma ilinniartinneqarnissamik isumaqatigiissutit allaganngorlugit suliaassapput, kingusinnerpaamillu isumaqatigiissutip atuutilernerani atsiorneqarsimassallutik. Isumaqatigiissuteqarnermi immersugassaaq, inuutissarsiummik qitiusumilluunniit ilinniarfimmu pineqartumut kattuffinnullu naapertuuttunut tusarniaareernikkut Naalakkersuisunit akuerineqartoq,

atorneqassaaq.

Imm. 2. Naalakkersuisut akuersiteqqaartinnagit immersugassap isumaqatigiinnermut atatillugu imarisai allanngorneqarsinnaanngillat ilaneqarsinnaanatillu.

Imm. 3. Lærlingitut ilinniartinneqarnissamillu isumaqatigiissummi ilinniartup sungiusarluni sulinermi nalaani akissarsiasai allassimassapput.

Imm. 4. Naalakkersuisut lærlingitut ilinniartinneqarnissamillu isumaqatigiisuttip imarisasai nalunaarsornissaalu pillugit malittarisassanik erseqqinnerusunik aalajangersaasinnaapput.

§ 50. Inuutissarsiummik ilinniartuq isumaqatigiisutit atuuttut naapertorlugit akissarsiaqarsinnaatitaavoq, ilinniartuunersiallu pillugit Inatsisartut peqqussutaat naapertorlugu immikkut tapisiaqarsinnaatitaalluni. Sungiusarluni suliffik ataatsimoorluni isumaqatigiisusiorsimanermut ilaanngippat, ilinniartuq minnerpaamik pisortatigoortumik sulisitsisumi isumaqatigiisuteqarsimanermut ilaasumi ilinniartutut, akissarsiamigut atorfininnermigullu atugassaqtinneqassaaq.

Imm. 2. Naalakkersuisutaalajangersinnaavaat, tassungalu ilaatillugu malittarisassiorsinnaallugu, ilinniartup inuutissarsiummik ilinniarnini tamaat ilaaluunniit, akissarsiaqarnermut paarlaallugu ilinniartuunersiaqaatigissagaa.

§ 51. Piffissami isumaqatigiisuteqarfiusumi aalajangersakkat, ataatsimoorussamik isumaqatigiisuteqarnikkut imaluunniit inatsisitigut sulisut atorfinittarnerinut sulinermilu atugarisassaannut il.il. aalajangersarneqarsimasut atuutissapput, Inatsisartut inatsisaat manna naapertorlugu ilinniakkamut akerliunngikkunik.

Imm. 2. Sulisitsisup qaqutiguuissumik ilinniartuq ilinniarnissamik siunertaqanngikkaluamik suliakkersinnaavaa, aatsaallu taamaalorsinnaalluni ilinniakkami anguniakkat anguneqarsinnaappata.

§ 52. Ilinniartut siusinnerusukkut ilinniarsimanertik sulisimanertilluunniit pissutigalugu ilinniakkamut, lærlingitut imaluunniit ilinniartinneqarnissamik isumaqatigiissummi pineqartumut immikkut piginnaasaqareersut, inuutissarsiutinik ilinniartuup qitiusumik ataatsimiititaliaanit, imaluunniit qitiusumik ilinniartuup siulersuisuinit isumaqatigiisuteqartoqarneranut atatillugu kingusinnerusukkulluunniit ilinniarnerminnik sivikillisaanneqarnissaannik aalajangiiffiqarsinnaapput.

§ 53. Ilinniartuq suliffeqarfille sungiusarluni sulinerup sivitsornissaanik isumaqatigiisuteqarsinnaapput, ilinniartuq

1) napparsimaneq pissutigalugu suliffeqarfimmi ilinniartuup piffissaliussap 10 procentia sinnerlugu peqanngissimappat,

2) tapertaliussaasumik atuarneq pissutigalugu suliffeqarfimmit peqanngissimappat,

3) naartunermut, erninermut meeravissartaarnermulluunniit atatillugu, tamanna pillugu inatsisit naapertorlugit sulinnigiffeqarpat imaluunniit

4) pissutsit immikkut ittut pissutigalugit piffissap ilaannaa sulisarpat sulinnigiffeqarpalluunniit.

Imm. 2. Imm. 1 naapertorlugu piffissaq ilinniartuup piffissamik peqanngiffigisimasamit sivisunerusumik sivitsorneqarpat, isumaqatigiisut aatsaat atuutissaaq, qitiusumik ataatsimiititaliap imaluunniit qitiusumik ilinniartuup siulersuisuisa tamanna akuerippassuk.

Imm. 3. Inuutissarsiutinik ilinniartuup suliffeqarfiullu akornanni, piffissaq

peqanngiffiusoq pissutigalugu imm. 1-imi taaneqartut sivituisinissaq isumaqatigiinnngissutaappat, qitiusumik ataatsimiititaliat, illuatungeriit arlaata qinnuteqarneratigut, piffissaq ilinniarfiusoq sivituisinnaavaat, ataatsimiititaliap aalajangiigaanik sivituisussilerlugu. Ilinniartunut qitiusumik ilinniarfimmuut attuumassuteqartunut atatillugu, naggat siulleq naapertorlugu piffissap ilinniarfiup sivituisornissaa, qitiusumik ilinniarfiup siulersuisuinit aalajangerneqassaaq.

§ 54. Pissutsit §§ 52-53-imi taaneqartut saniatigut inuutissarsiutinik ilinniarfiup qitiusumik ataatsimiititaliaa imaluunniit qitiusumik ilinniarfiup siulersuisui, piffissap ilinniarfiup sivikillinissaa sivituisornissaaluunniit pillugit aalajangiisinnaapput, taamaaliornissaaq immikkut ittunik tungavissaqarpat.

§ 55. Lærlingit aamma ilinniartinneqarnissamik isumaqatigiissutit isumaqatigiissuteqartunit atorunnaarsinneqarsinnaanngillat, taamaattoq tak. § 56.

Imm. 2. Sungiusarluni sulinermi qaammatit siulliit 3 misiliiffittut isigineqassapput, taassumalu ingerlanerani illuatungeriit arlaata isumaqatigiissut atorunnaarsissinnaavaa - patsisitaliinngikkaluarluni siumoortumillu nalunaaqqanngikkaluarluni. Ilinniarfimmiinnerit piffissamut misiliiffimmuut ilaatinneqassanngillat.

Imm. 3. Ilinniartoq § 53, imm. 1-imi taaneqartunik peqquteqarluni sungiusarluni suliffimminit piffissami misiliiffimmi qaammat 1 sinnerlugu peqanngippat, piffissaq misiliiffik peqan-ngiffiup sivisoqataanik sivituisorneqassaaq.

§ 56. Isumaqatigiissuteqartut arlaata pisussaaffini annertuumik sumiginnarpagit, aappaata isumaqatigiissut atorunnaarsissinnaavaa.

Imm. 2. Paasinarsippat isumaqatigiissuteqarnissamut piunaaqataasoq pingaarutilik eqqunngitsoq, kingusinnerusukkulluunniit atuukkunnaarpat, illuatungeriit isumaqatigiissummik atorunnaarsitsisinnaapput.

Imm. 3. Imm. 1 imaluunniit imm. 2 malillugu atorunnaarsitsineq pissaaq, illuatungeriinni atorunnaarsitsisup atorunnaarsitsinissamut pissutaasumik paasinninneraniit, imaluunniit nali-nginnaasumik sissuernikkut paasinnissinnaagaluarneraniit qaammatip ataatsip qaangiutinnginnerani.

Imm. 4. Ilinniartup tapertaliussaasumik atuarnera atorunnaarsitsinermut peqqutigineqarsinnaanngilaq.

§ 57. Ilinniartoq ilinniartitsinermi ilaatitaajunnaarpat, tak. § 48, imaluunniit ilinniartup soraarummeernerit misilitsinnerilluunniit pisariaqartut angusaqarfiginissaannut periarfissani atoreersimappagit, lærlingit ilinniartinneqarnissamilluunniit isumaqatigiissut atorunnaassaaq.

§ 58. Ilinniartup inuutissarsiutinik ilinniarfimmuut attuumassuteqartup suliffeqarfiullu su-ngiusarluni suliffiusup akornanni isumaqatigiinnngissuteqarneq qitiusumik ataatsimiititaliamut saqqummiunneqarsinnaavoq, taannalu isumaqatigiissitsiniassaaq. Illuatungeriit isumaqatigiissinnaanngippata qitiusumik ataatsimiititaliaq aalajangiisinnaavoq.

Imm. 2. Ilinniartup qitiusumik ilinniarfimmuut attuumassuteqartup suliffeqarfiullu sungiusarluni suliffiusup akornanni isumaqatigiinnngissuteqarneq qitiusumik ilinniarfiup siulersuisuinit saqqummiunneqarsinnaavoq, taakkualu isumaqatigiissitsiniassapput. Illuatungeriit

isumaqatigiissinnaangippata qitiusumik ilinniarfiup siulersuisui aalajangiisnaapput.

Imm. 3. Akissarsiatigut atorfininnermilu atugassarititat, isumaqatigiissut atuuttoq naapertorlugu aalajangiiffigineqartassapput.

Imm. 4. Qitiusumik ataatsimiititaliat imaluunniit qitiusumik ilinniarfinni siulersuisut aalajangiinerat pillugu taarsiivigitinnissamik piumasqaataajunnartut taamaallaat eqqartuussivinnit aalajangiiffigineqarsinnaapput.

§ 59. Ilinniartut lærlingit ilinniartinneqarnissamilluunniit isumaqatigiissummut ilaasumik ilinniarfimmiiinnerminni sulisilluni ajoqusersinnaanermut sillimmasiisarneq pillugu aaqqissuussinermut, Kalaallit Nunaanni sulisilluni ajoqusersinnaanermut isumannaarineq pillugu inatsisip atortuulersinneqarneranik peqqussut naapertorlugu sungiusarluni sulinermut atuuttumut ilaapput.

Imm. 2. Ilinniartunut atuaatigalutik sungiusartillutik imaluunniit imm. 1-imi taaneqartut avataatigut ilinniarfimmiiitillutik ajoquserturnut, Kalaallit Nunaanni sulisilluni ajoqusersinnaanermut isumannaarineq pillugu inatsit assinganik atuutissaaq, suliffimmut assingusuni ilinniartitsisoqartillugu ajoqusertoqarsimappat. Ajoqusernertut taamaattunut aningaasatigut akisussaaffik Namminersorlutik Oqartussaniippoq.

§ 60. Naalakkersuisut ilinniartut suliffeqarfyllu inatsisitigut atugassarisaat pillugit malittarisassanik erseqqinnerusunik aalajangersaasnaapput.

Kapitali 9

Inuutissarsiutinik ilinniartitsinermut tunngasutigut pikkorissaanerit

§ 61. Aningaasanut inatsimmi aningaasaliissutissatut aalajangiunneqartut iluanni, inuutissarsiutinik ilinniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut najugaqarnenullu aningaasartuutininut tapiissuteqartoqarsinnaavoq. Peqataasut annerpaamik inuutissarsiutinik ilinniartitsinermut tunngasut iluanni sivikinnerusumik ingerlaqqiffiusumik ilinniagaqassapput.

Imm. 2.

Aammattaq inuutissarsiutini immikkut ittuni siuarsagassatut kissaatigineqartuni, pikkorissarnertut aningaasartuutininut matussutissanik qaavatigut tapiissuteqartoqarsinnaavoq, peqataasunut imm. 1-imi taaneqartunut.

Imm. 3.

Pikkorissarnerit Kalaallit Nunaanni inuutissarsiutinik imaluunniit qitiusumik ilinniarfinit isumagineqassapput, tamanullu ammasumik neqeroorutigineqassallutik, taamaattoq tak. imm. 4 aamma 5.

Imm. 4.

Taamaattoq imm. 3-mi aalajangersagaq apeqqutaatinnagu inuutissarsiutinik ilinniartitsinermut tunngasutigut pikkorissaanernut, neqerooruteqartartunit allanit neqeroorutigineqartunut tapiissuteqartoqarsinnaavoq, pikkorissarnerit assingusut Kalaallit Nunaanni inuutissarsiutinik

qitiusumillu ilinniarfinnit neqeroorutigineqanngippata.

Imm. 5.

Aammattaaq imm. 3-mi aalajangersagaq apeqqutaatinnagu, inuit ataasiakkaat pikkorissarnernut, Kalaallit Nunaanni inuutissarsiutinik qitiusumillu ilinniarfinnit neqeroorutaan-ngitsunut, peqataanerinut tapiissuteqartoqarsinnaavoq.

Imm. 6.

Suliffimmi sinniisit pikkorissarnerinik ingerlatsinermit taakkunungaluunniit peqataanermut tapiissuteqartoqarsinnaanngilaq.

§ 62. Ilinniarfik inuutissarsiutinik ilinniartitsinermit tunngasutigut pikkorissaanernik neqerooruteqartoq peqataanermut akiliisitsisinnaavoq.

Imm. 2. Naalakkersuisut makku pillugit malittarisassat aalajangersinnaavaat: pikkorissaanerit tapiiffigineqarsinnaasut siunertaat, peqataasut akiliutaat, tapiissutisinissamut piunasaqaatit, tapiissutinik qinnuteqarnermi malittarisassat, tassunga ilanngullugit tapiissutit annertussusaat tunniunneqartarnerilu, tassunga ilanngullugit ullormut akit aalajangersimasut aamma pikkorissaanernut nalinginnaasumik tunaartarisassat.

Kapitali 10

Maalaaruteqarneq

§ 63. Inatsisartut inatsisaat manna naapertorlugu aalajangiinerit pillugit maalaarutit, aalaja-ngiinerup tiguineraniit sapaatip-akunneri 4 qaangiutsinnagit Naalakkersuisunut imaluunniit maalaarfissatut Naalakkersuisut pisinnaatitaannut saqqummiunneqarsinnaapput, taamaattoq tak. § 31, imm. 2, aamma § 58.

Imm. 2. Naalakkersuisut maalaarfiusartussat pillugit malittarisassanik aalajangersaasinnaapput, tassunga ilanngullugit maalaarsinnaanermut killiliinerit aamma maalaaruteqarnermi periusissat.

Kapitali 11

Atuuttuulersitsinermit, ikaarsaariarnissamut atorunnaarsitsinernullu aalajangersakkat

§ 64. Inatsisartut inatsisaat atuuttilerpoq 1. januar 2011. Ilutigisaanik atorunnaarsinneqarpoq Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, ulloq 31. maj 1999-imeersoq aamma Imarsiornermik ilinniartitaanerit pillugit Inatsisartut peqqussutaanni nr. 7, 11. november 2000-imeersumi kapitali 2.

Imm. 2. Malittarisassat Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, ulloq 31. maj 1999-imeersoq naapertorlugu aalajangersarneqartut, atuutissapput, Inatsisartut inatsisaat manna Inatsisartulluunniit inatsisaat allat tunngavigalugit taarserneqarnissamik atorunnaarsinneqarnissamilluunniit tungaanut.

Taamaattoq Siammasissumik Tunngaviusumik Ilinniartitaanermi (S.T.I.) ilinniartussat tiguneqartarneri pillugit Namminersornerullutik Oqartussat Nalunaarutaat nr. 1, 9. januar 1990-imeersoq atorunnaarsinneqarpoq.

§ 65. § 35, imm. 5, forständerinut, inatsisip matuma atuutilernerani qitiusumik ilinniarfinni atorfeqartunut atuutinngilaq, tak. kapitali 6.

Namminersorlulik Oqartussat, ulloq 19. maj 2010

Kuupik Kleist

/

Mimi Karlsen